


مکتبہ علمیہ اسلامیہ

۱۹ نجی سنہ

سنہ ۱۳۱۷

جزو، عدد : ۸۸





گریدك احوال عمومیه و تاریخیه سی

[مابعد عن جزؤ : ۸۳]

— ۲۸ —

گریدك بلاد حاضرہ سی

گریدك بلاد حاضرہ سندن ك مہملری حانیہ، رسو، قندیہ بلدہلری اولوب
آنی نیقولا و استیہ و یراہترہ و قادانو و نفس اسناکیہ و کیسامو قستل قصبہلری
ایسہ ایکنجی درجہدہ قالیور .

گرید ولایتك مرکزی بولان حانیہ بلدہ سی وندیکلورل طرفدن ۱۲۵۰ سنہ
میلادیہ سنہ طوغری برزماندہ بنا وانشا اولمشدر . بلدہ مذکورہ یی مدافعہ اہمك
اوزرہ قارشوسندہ کان طودوری نام کوچك آطہنك تپہ سندنہ بر و آشاغیکی
طرفندہ دخی برکہ، ایکی قلعہ کذلک وندیکلورل طرفدن بنا ایدلش ایدی .
آنفا دخی بیان اولندیغی و جہلہ جزیرہنك فتحہ اشہت اولدیغی زمان عسا کر
عثمانیہ ابتدای امردہ بو ایکی قلعہ یی ضبط و تسخیر ایتمشدر .

مؤخرأ بلاطانیا سواحلنہ چیقارلش اولان قوۃ کافیۃ عسکریہ حانیہ بلدہ سی،
وقعہ نویس مشہور نعیمانك روایتہ کورہ، تام اللی درت کون محاصرہ ایتدکن صکرہ
فتح و ضبط ایلشدر .

گرید جزیرہ سی وندیکلورلک تحت ادارہ سندنہ بولنسدیغی زمان درت دائرہ
منقسم ایدی کہ، مذکور درت دائرہنك بری حانیہ دائرہ سی و بو دائرہنك مرکزی
دخی حانیہ قصبہ سی اولہرق، جزیرہنك مرکزی دخی قندیہ بلدہ سی ایدی .
جزیرہنك فتحندن صکرہ تقسیمات عتیقہ سی بالابقا قندیہ بلدہ سی گریدك

مرکزی اتخاذ ایدلمش و حانیه سنجانی دخی حانیه بلده سنده مقیم بر والی قائم مقامی طرفندن اداره اولمقده بولمخش اولدیفنی حالد ۱۸۲۸ سنه میلادی سنده حانیه بلده سی مرکز ولایت اتخاذ اولمقده اوتاریخندن برو دوام ایدوب گمشدر .

۱۵۷۷ سنه میلادی سنده فرانچسکو باروچی نام وندیكلو محرر طرفندن ترتیب اولنان ائرده حانیه دائره سنده اللی بش بیك آلتی یوز اوتوز بش نفوس موجود بولمخش اولدیفنی و بونلردن اون اوچ بیك طقوز یوز سکزی ارکک و یگر می آلتی بیك ایکی یوز یگر میسی قادین و بیك سکزی یوز الیسی اختیار و اون اوچ بیك آلتی یوز اللی یدییی چوجوق بولمخش ایدوکی بیان اولنهرق، نفس حانیه بلده سنك نفوسی ایسه آروجه کوسترلامشدر .

۱۷۰۰ سنه میلادی سنده گریدی گشت و گذار ایتمش اولان طور نه فور نام فرانسر سیاحتک روایتنه نظراً اول زمان حانیه بلده سنده بش آلتی بیك نفوس وار ایدی . ۱۷۷۷ سنه میلادی سنده گریده سیاحت ایتمش اولان ساواری نام دیگر برفرانسر سیاح ایسه اول وقت حانیه بلده سنده اون بیگدن زیاده نفوس بولمخش اولدیفنی حکایه ایدیور .

بوندن اول اجرا اولنان تحریر نفوس ائناسنده حانیه بلده سنده یدی بیك یگر می طقوزی ارکک و آلتی بیك یدی یوز سکسان اوچی قادین اولمق اوزره اون اوچ بیك سکزی یوز اون ایکی نفوس بولندفنی تعین ایتمشدر .

رسمو بلده سی دخی کذلک وندیكلولر طرفندن بنا وانشا اولنوب ۱۶۴۶ سنه سنده عساکر عثمانیه طرفندن فتح اولمشدر .

بلده مذکورده نك اسکی زمانلرده اوچ بیك ایکی یوز و مؤخر آلتی بیك قدر نفوسی وار ایکن بوندن اول اجرا اولنان تحریر نفوس ائناسنده طقوز بیك ایکی یوز ایتمش دزت نفوسی اولدیفنی تعین ایتمشدر .

رسمو بلده سی، رسمو سنجانک مرکزیدر . قندیه بلده سی ایسه ابتدای امرده ۸۲۳ سنه میلادی سنده عربلر طرفندن بنا اولمخش و مؤخر آ وندیكلولر طرفندن توسیع ایدلمشدر .

گریدك سلطنت عثمانیه طرفدن فتحی ائاساننده قندیه قلعه سی مدت مدیده محاصره تحتنده قلمش و بو محاصره به متعلق وقوعات ایسه تاریخچه پك مهم بولمیش اولدیغندن تفصیلاتی قسم مخصوصنده ذكر و حكایه ایديله جكدر .

بوندن اقل اجرا اولنان تحریر نفوس ائاساننده قندیه بلده سنك یگر می بر بیک اوج یوز آلمش سسکز نفوسی اولدیغی تعین ایتمشدر . ایکنجی درجه ده قالان قصباتك کیسامو، قستل و آبی نیقولا قصبه لری کبی ، ساحلده بولنانلری معاملات تجاریه مرکزی اولوب بونلر تجارت سایه سنده کسب اهمیت ایتمشدر .

[مابعدی نسخه تاییه ده]

شورای دولت ملکیه دژیه سی اعضاسندن

آندریا قوپاسی

